



Il chantun grischun ha dus novs impressaris cun diplom, a San Murezzan en els vegnids undrads: Andreas Felix, mainagestiu impressaris grischuns, Marco Capatt e Gian-Andrea Frehner, da nov impressaris cun diplom, e Markus Derungs, president impressaris grischuns (da senester).

FOTOS G. N. STGIER

# «S'engaschar dapli sin champ politic»

Societad grischuna dals impressaris

DA GION NUTEGN STGIER / ANR

■ Il dumber da las personas che lavuran tar ils manaschis da construcziun da noss chantun è sa reduci considerablamain. Sco ch'i para en ils temps cun svieutas da record passads. En la branscha da construcziun sajan tuts pajads bain e perquai saja da refusar l'iniziativa per ina paja mimimala. Ils impressaris da San Murezzan e conturn en stads ospitants da lur collegas ed han organisà la radunanza 2014 da la Societad grischuna dals impressaris. En ses salid ha *Beat Cantieni*, il president da la secziun dals impressaris Engiadina' Ota, Poschiavo, Bregaglia ditg: «Er tar nus è betg tut quai che glischa aur». Concret ha el manegià che l'iniziativa da las secundas abitaziuns sa fetschia valair massiv. En quest connex ha *Markus Derungs*, il president dals impressaris grischuns, ditg ch'ils parlamentaris grischuns a Berna duajan far pressiu per che quella legislaziun vegnia finalmain concreta. L'impressari da Tavau è er persvas che manaschis pli pitschens e mesauns vegnan plaunsieu sut pressiu cun betg savair propi la consequenza da l'iniziativa da las secundas abitaziuns. «Da preschent avain nus avunda lavur, sco quai sa preschenta dentant en in onn saja grev da dir», ha ditg Markus Derungs. Cusseglie governativ

Mario Cavigelli ha ditg als impressaris che da metter en pratica l'iniziativa da las abitaziuns secundaras e l'iniziativa cunter l'immigraziun da massa saja in vaira sfida per il chantun ed er per ils patrons.

## 80 milliuns francs damain che anc il 2011

La summa dal volumen da construcziun da l'onn passà giascha tar 920.5 milliuns francs. Quai en tuttina 1.9% dapli che anc il 2012. L'onn 2011 avevan per exempel ils 138 impressaris grischuns anc fatg ina svieuta da passa ina milliarda francs. Quels temps sajan istorgia è vegni ditg tar la radunanza a San Murezzan. La construcziun d'abitaziuns è cun 334.3 milliuns francs stada stabila, persuerter è s'augmentada la produziun da l'ulteriura construcziun bassa e quai per 36.7% sin 175.4 milliuns francs. La svieuta tar la construcziun bassa è sa reducida per 6.8% sin 401.9 milliuns francs. La raschun da quella sminuiziun saja ch'ils sviaments da Roveredo e da Küblis gijajan a fin. Actualmain sa preschenta la situaziun anc bain cun avair ils manaschis da construcziun reservas da lavur per ina summa da 252 milliuns francs e quai en 2.1% dapli che anc avant in onn. L'onn passà han las firmas da construcziun grischunas gi sunter il 2007 per l'emprima giada damain lavu-

rants che 5000. Exact eran quai la fin da zercladur 2013 anc 4735 lavurants e quai en 6% damain che l'onn precedent e schizunt 17% damain che l'onn 2011.

## Dapli purs che impressaris

Giast dals impressaris grischuns è er stà *Werner Messmer*, dapi 12 onns president dals impressaris svizzers. A la fin d quest onn sa retira el ed a la fin da zercladur vegn elegi a Berna ses successur. La Societad grischuna dals impressaris sco er ils impressaris da la Svizra orientala speran che *Franco Lurati* da Cuiraventa successur da Werner Messmer. Ses cuntercandidat è cun *Gian-Luca Lardi* er in Grischun ch'è da preschents CEO dad in grond manaschi da construcziun a Lugano. Werner Messmer, il president partent dals impressaris naziunals ha intimà ils preschents da s'engaschar sin champ politic. A Berna en il parlament sajan ils impressaris represchents cun 2-3 trais personas, dentant che tar ils purs sajan quai radund 30. I sappia en nagin cas esser che be quels che hajan temp fetschian politica, e manegià ha Werner Messmer cunzunt ils represchents da las partidas sanestras. Quels cun ils sindicats hajan er lantschà l'iniziativa per ina paja minimala. «Nus avain gia pajas autas damai ch'ils impressaris han er in pensar social», ha ditg Werner Messmer.



Impressaris engiadinais cun Franco Lurati (terz da san.) che duai vegnir president dals impressaris svizzers.



Sigi Asprien, il president communal da San Murezza, è er sa drizzà als impressaris.



Cusseglie naziunal Josias Gasser (san.) cun l'impressari Thomas Mettler.



In impressaris cun trais emploiadas da la societad dals impressaris. (da san.) Ilira Lamalari, Marlen Galliard, Luis Beer e Sabina Solèr.



Dus impressaris ed in cusseglie naziunal. (da san.) Sandro Bianchi, Martin Candinas ed Alfred Degiacomi.



Tranter ils numerus giasts er trais parlamentaris naziunals. (da san.) cusseglie dals chantuns Stefan Engler ed ils dus cusseglies naziunals Martin Candinas e Heinz Brand.